

رباعيات صلاح جاهين

حاسب من الاحزان و حاسب لها
حاسب علي رقابيك من حبلها
راح تنتهي و لابد راح تنتهي
مش انتهت احزان من قبلها؟
عجبي !!!

يأسك و صبرك بين إيديك و انت حر
تيأس ما تيأس الحياه راح تمر
أنا دقت مندا ومندا عجبي لقيت
الصبر مر و برضك اليأس مر
عجبي !!

ولدي نصحتك لما صوتي اتبجح
ما تخفش من جني و لا من شبح
و ان هب فيك عفريت قتيل إسألـه
ما دافعش ليه عن نفسه يوم ما اندبح
عجبي !!

ولدي إليك بدل البالون ميت بالون
انفخ وطرقع فيه علي كل لـون
عساك تشوف بعينك مصيرالرجال
المنفوخين في السترة و البنطلون
عجبي !!!

خوض معركتها زي جدك ما خاض
صالب و قالب شفتك بامتـعاض
هي كده... ما تنولش منها الأمـل
غير بعض صد ورد ووجاع مخاض
عجبي !!!!

كام اشتغلت يا نيل في نحت الصخور
مليون بئونه و الف مليون هـاتور
يا نيل أنا ابن حلال و من خلفتك
و ليه صعيبه علي بس الأمـور
عجبي !!!

وأنا فى الضلام ...من غير شعاع يهتكه
أقف مكانى بخوف ولا أتركه

ولما يجى النور وأشوف الدروب
أحترار زياده .. أيهم أسلكه؟؟؟
وعجبي

عجبتنى كلمه من كلام الورق
النور شرق من بين حروفها وبرق
حببت أشيلها فى قلبى .. قالت حرام
ده انا كل قلب دخلت فيه أتحرق
عجبي

لا تجبر الإنسان ولا تحيره
يكفيه ما فيه من عقل بيحيره
اللى النهارده بيطلبه ويشتهييه
هوا اللى بكره حيشتهى يغيره
عجبي !!!!!

الدنيا أوده كبيره للانتظار.....
فيها ابن آدم زيه زي الحمار.....
الهم واحد والملل مشترك.....
ومفيش حمار بيحاول الانتحار.....
عجبي

ضريح رخام فيه السعيد اندفن
و حفره فيها الشريد من غير كفن
مريت عليهم .. قلت يا للعجب
لاتنين ريحتهم لها نفس العفن
عجبي !!

كان فيه زمان سحليه طول فرسخين
كهفين عيونها و خشمها بربخين
ماتت لكن الرعب لم عمره مات

مع إنه فات بدل التاريخ تاريخين

عجبي !!

أنا قلبى كوره...والفراودة أكم
ياما اتنطح وانشاط ..وياما اتعكم
واقول له كله حينتهى فى الميعاد
يقول بساعتك؟ ولا بساعت الحكم؟
عجبي!!!!!!

قالوا الشقيق ييمص دم الشقيق...
والناس ما هياش ناس بحق وحقيق.....
قلبي رميته وجبت غيرو حجر.....
داب الحجر ورجعت قلبي رقيق.....

عجبي!!!!

أحب أعيش ولو أعيش فى الغابات...
أصحى كما ولدتني أمي وأبات.....
طائر حوان حشرة بشر بس أعيش.....
ما أحلا الحيات حتى فى هيئة نبات.....

عجبي!!!!

سهير لياالى وياما لفيت وطففت
وف ليله كنت راجع قمت شفت
الخوف كئنه كلب سد الطريق
كنت عايز اقتله بس خفت

الارض شوك أيوه لكن هياش
والحمرة مش يعنى الطريق حياش
دى دمنا السيال . وبشره خير
أن انتى عايشه . و ان انا عايش

غمست سنك في السواد يا قلم
علشان ما تكتب شعر يقطر ألم
مالك جراك ايه يا مجنون.. وليه
رسمت وردة و بيت و قلم و علم

وعجبي

اوصيك يا ابني .. بالليل والزهور
اوصيك.. ليل القاهر المسحور
وانجيت في بالك
اشتري عقد فل .. لاي سمره
وقبري اوعاك تزور

وعجبي

يا طير يا طائر في السما طز فيك
ما تفتكرش إن ربنا مصطفىك
أصلك من دود الأرض و ليه تعود
تمص فيه يا حلو ويمص فيك

و عجبي

أنا شاب لكن عمري ولا ألف عام.....
وحيد ولكن بين ضلوعي زحام.....
خائف ولكن خوفي مني أنا.....
أخرس ولكن قلبي مليان كلام.....
عجبي!!!!!!!

أنا قلبي كوكب وانطلق فى المدار
حواليكى يا محبوبتى يا نور و نار
يلف مهما يلف ما بيكتفيش
وتمللى نصه ليل ونصه نهار

عجبي !!!!!

عجبي على العجب العجيب العجائب
لما الحقيقه تطل بعد احتجاب
وتروق وتحلا وفجأه تصبح مفيش
كمثل طراطيش بحر ياما خد وجاب
عجبي !!!!!!!

ليه يا حبيبتي ما بينا دائماً سفر....
ده البعد ذنب كبير لا يغتفر.....
ليه يا حبيبتي ما بينا ديماً بحور.....
أعدي بحر.... آلاقي غيره اتحفر.....
عجبي !!!!!

وقفت بين شطين على قنطرة
الكذب فين والصدق فين ياترى
محتار ح اموت ... الحوت خرج لى وقال
هوا الكلام يتقاس بالمسطره؟
عجبي !!!!!

يا نجم ...نورك ليه كده بيرتجف؟
هو انت قنديل زيت؟...أو تختلف؟
أنا نجم عالى ...بس عالى قوى
وكل ما انظر تحت اخاف انحدف
عجبي !!!!!

ورا كل شباك ألف عين مفتوحين ..
وانا وانت ماشيين يا غرامي الحزين...

ياااااا حزين يا قمقم تحت بحر الضياع
حزين أنا زيك وإيه مستطاع
الحزن ما بقالوش جلال ياجدع
الحزن زى البرد زى الصداع
عشى !!!!!!!

أنا كل يوم أسمع فلان عذبه...
أسرح في بغداد والجزائر وأتوه...
ما اعجبش من اللي يطيق بجسمه العذاب...
وأعجب من اللي يطيق يعذب أخوه...
عجبي!!!!

أوصيك يا إبني بالقمر والزهور
أوصيك بليل القاهرة المسحور
وإن جيت في باللك ... إشتري عقد فل
لأي سمرا ... وقبري إوعك تزور
عجبي!!!!

وقفت ساعه الصبح بغسل سناني
قالت لي شايف قوتي ولمعاني؟؟
إيش تطلب اليوم مني ضحكه أسد؟؟
ولا إبتسامه إعلان أمريكاني؟؟؟؟؟؟؟؟

عيني رأت مولود على كتف أمه
يصرخ تهنن فيه يصرخ تضمه
يصرخ تقول يا بني متنطق كلام
ده اللي ميتكلمش ياكتر همه
عجبي!!!!!!

أيوب رماه البين بكل العلل..
سبع سنين مرضان وعنده شلل..
الصبر طيب.....صبر أيوب شفاه..
بس الأكيدة مات بفعل الملل..

عجبي!!!!!!!!!!!!

ياخالق الكون بالحساب والجبر
وخالقنى ماشى بلختيار والجبر
كل اللى حيلتى زمزميه أمل
وازاى تكفينى لباب القبر ؟
عجبي!!!!!!!!

ياللى بتبحث عن إله تعبه..

بحث الغريق عن أى شئ ينجده ..

الله جميل وعليم ورحمن ورحيم.....

احمل صفاته.....وانت راح توجده.....
عجبي!!!!!!!!

يا مشرط الجراح أمانه عليك
وانت ف حشايا تبص من حواليك
فيه نقطه سوده فى قلبى بدأت تبان
شيلها كمان ... والفضل يرجع ليك
عجبي!!!!!!!!1

كيف شفت قلبي والنبي يا طيب.....

همد و مات والا سامع له ديب.....

قاللي لقيته مختنق بالدموع

وما لوش دوا غير لمسّه من إيد حبيب.....

عجبي!!!!!!!!

إنسان أيا إنسان ما أجهلك..
ما أتفهك في الكون و ما أضالك...
شمس وقمر وسدوم وملايين نجوم...
وفاكرها يا موهوم مخلوقة لك.....
عجبي!!!!!!

أنا قلت كلمة وكان لها معنين
كما بطن واحده وتوأمين زين وشين
لو دنيا شر التوأم الخير يموت
ولو دنيا خير... الشر هيعيش منين؟؟؟

أخطفنى ياللى تحبنى ع الحصان
الدنيا قالت يوم فى ماضى الزمان
إخطفنى ياللى تحبنى ع الفرس
الدنيا قالت ...قام خطفها الشيطان
عجى !!!!

ما حد فى الدنيا دى واخذ جزاته
ولا حد يفكر فى غير لذاته
متعرفيش يا حبيبتى ..أنا وانتى مين؟
إنتى عروس النيلوأنا النيل بذاته
عجى !!!!

نسمة ربيع لكن بتكوي الوشوش..
طيور جميلة بس من غير عشوش...
قلوب بتخفق.....إنما وحدها.....

هي الحياة كده...كلها في الفافوش.....
عجبي!!!!!!

من بين شقوق الشيش وشقشقت لك
مع شهقه العصاير وزقزقت لك
نهار جديد انا.... قوم نشوف نعمله
انا قلت يا ح تقتلنى ...يا ح اقتلك
عجبي !!!1

حدوة عن جعران و عن خنفسة..
اتقابلوا حوا بعض ساعة مسا.....
ولا قال لهم حد اختشوا عيب حرام.....
ولا حد قال دي علاقة مدنسة.....
عجبي!!!!!!

مانتاش بتلعب ليه ياروح بابا؟
ولا عسكرى ولا لص فى عصابه ؟
إلعب أسد أو ديب رهيب أو غزاله
دى الدنيا فى نهايه المطاف غابه
عجبي !!!!

على بعد مليون ميل من أرضنا..
من الفراغ الكوني بصيت أنا
لا شفت فرق بين جبال وبحور.....
ولا شفت فرق ما بين عذاب أو هنا....
عجبي!!!!!!

حقرا وفوق كوكب حقير محتقر
فى الكون تكون دنياكو إيه يا بقر
رملايه من صحرا ؟ ... لكن إيش تقول
والكون بحاله جوه عقل البشر
عجبي!!!!

دي مذكرات وكتبتها من سنين..
في نوتة زرقا لون بحور الحنين....
عترت فيها..رميتها في المهملات...
وقلت صحيح أما صيح كلام مخبولين..
عجبي!!!!

عاد الربيع كأنه طعم الحب
والحب نار جوه العروق بتصب
اتمتع ازاي بيه وانا مت ع ط ع
من كتر خوفى لا فى الخطيئه يطب
عجبي!!!!

أنا اللي بالأمر المحال اغتوى..
شفت القمر نطيت لفوق بالهوا..
طلته ما طلتوش إيه انا يهمني....
وليه ...ما دام بالنشوة قلبي ارتوى..
عجبي!!!!!!

يأسك وصبرك بين إيديك وانت حر
تيأس ما تيأس الحياه راح تمر

أنا دقت مندا ومندا عجبى لقيت
الصبر مر وبرضك اليأس مر
عجبى!!!!!!

علم اللوع اضخم كتاب في الأرض..
بس اللي يغلط فيه يجيبه الأرض.....
أما الصراحة فأمرها ساهل ..
لكن لا تجلب المال ولا تصون العرض...
عجبى!!!!!!

يا باب أيا مقفول ..إمتى الدخول
صبرت ياما واللى يصبر ينول
دقيت سنين ... والرد يرجع لى :مين ؟
لو كنت عارف مين أنا ..كنت أقول
عجبى!!!!!!

أنا كان لي أب وكان رئيس محكمة..
ستين سنة ..في قضية واحدة أترمى..
ستين سنة وطلع براءة وخرج.....
يشكي الحياة والموت لرب السما
عجبى!!!!!!

البط شال عدى الجبال والبحور
ياما نفسى اهج ...أحج ويا الطيور
أوصيك يا ربى لما اموتوالنبى
ما تودنيش الجنة ...للجنة سور
عجبى!!!!!!

ولو اتضنيت وفنيت وعمري انفرط..
مش عاوز الجأ للحلول الوسط.....
وكمان شطط وجنون ما نيش عاوز..
يا مين يقول لي الصح فين والغلط.....
عجبي!!!!!!

كروان جريح مضروب شعاع م القمر
سقط من السموات فؤاده أنكسر
جريت عليه قطه عشان تبلعه
أتاريه خيال شعراء ومالهوش أثر
عجبي!!!!!!

قالو السياسة مهلكة بشكل عام..
وبحورها بيني خشنة مش ريش نعام..
غوص فيها تلقى الغرقانين كلهم.....
شايلين غنايم.... والخفيف اللي عام.....
عجبي!!!!!!!!!!

دخل الشتا وقفل البيان ع البيوت
وجعل شعاع الشمس خيط عنكبوت
وحاجات كتير بتموت فى ليل الشتا
لكن حاجات أكثر بترفض تموت
عجبي!!!!!!!!!!

أنا قلت آه..سمعوني قلوا فسد..

ده كان جدع قلبو حديد واتحسد..
رديت على الايمين أنا وقلت ..آه...
لو تعرفوا مني زئير الاسد.....
عجبي!!!!!!

ياملونين البيض فى شم النسيم
لون الحنين والشوق وخمر النديم
ما تعرفوش سايق عليكو النبى
تلونو الأيام بلون النعيم
عجى!!!!

بين موت وموت ..بين النيران والنيران..
عالحبل ماشيين الشجاع والجبان.....
عجبي على دي حياة.....وياللعجب.....
إزي أنا.....ياتخين..... بقيت بهلوان.....
عجبي!!!!!!

العشب طاطا للناسايم ونخ
أخضر طرى مالهش فى الحسن أخ
عصفور عبيط أنا ... غاوى بهجه وغنا
ح انزل هنا ... وأنشا الله يهبرنى فخ
عجى!!!!!!

أنا إله الوجد رب الهيام.....
أضرب بسهم الوهم وهم الغرام....
وهم الغرام من كتر ما هو لذيذ.....

رشقت أنا ف صدري جميع السهام...
عجبي!!!!!!

حتة محارة وجدتها فى يوم لقية
قالت لى شوف كيف الطبيعه شقيه؟
نظرت للكهف اللى فيها ولقيت
إن الطبيعه كمان ... لا أخلاقيه
عجبي!!!!!!

آه لو أنا ومحبوب جزنا الفضاء..
في سفينة وحدينا واشيا رضا..
ساعة صفا تعجبنا نرجع لها.....
والهم قبل ما يبجي يبقى مضى..
عجبي!!!!!!

ا * يا نجمنورك ليه كده بيرتجف؟؟؟
هوا انت قنديل زيت ؟...أو تختلف؟؟
ا * أنا نجم عالى ...بس عالى قوى
وكل ما انظر تحت اخاف انحدف
عجبي!!!!!!

مزيكه هاديه الكون فيها انغمر
وصيف وليل وعقد فل وسمر
ياهلترى الناس كلهم مبسوطين
ويا هلترى شايفين جمال القمر
عجبي!!!!!!

الموج تلول تهبط وتطلع تلول
يا بحر خدنى الشط صاحبك ملول
والا بلاش الشط ح اعمل به ايه

ده ربحته طحلب مهري وام الخلول
عجبي!!!!!!

إيديا في جيوبى وقلبي طرب
سارح في غربه بس مش مغترب
وحدى لكين ونسان وماشى كده
وبابتعد... ما عرفش... أوباقترب
عجبي!!!!!!

نظرت فوق للنجوم وأنا ساير..
رجليا عتريت في الحفر والحجاير..
بقيت اقول وأنا ع التراب ..يا سلام..
مش بس عبرة أنا أخذت لكن عباير..
عجبي!!!!!!

عيني رأت مخلوق في غاية البشاعة
أنا قلت له لما تأملته ساعه:
اللذه والموت علموك اللزج
وانا علموني الفلسفه والشجاعه
عجبي!!!!

جالك أوان ووقفت وقفت وجود..
يا تجود بده با قلبي يا بده تجود..
ما حد يقدر يبقى على كل شئ...
مع إن....عجبي....كل شئ موجود...
عجبي!!!!

يا للى نصحت الناس بشرب النبيت
مع بنت حلوه ... وعود , وضحك و حديث
مش كنت تنصحهم منين يكسبوا
تمن ده كله ؟؟ .. زوالا يمكن نسيت
عجبي!!!!!!

ظهر المسيح الحي على سفح ربوة..
ونزل بهالة الضي.... وقعد في قهوة.....
بصوا تعالوا..... قالوا خليه في حاله...
الناس في حالهم بيني.. مالهمش دعوة..
عجبي!!!!!!

كل اللى فى الخماره صابهم جنون
صبحوا الرجال يتبادلو كاس المنون
وبدم ونييت انكتب ع الجدار
ا(يا ميت ندامه ع اللى قلبه حنون)
عجبي!!!!!!

أنا كل يوم أسمع .. فلان عذبه
أسرح فى بغداد والجزاير واتوه
ما اعجبش م اللى يطيق بجسمه العذاب
واعجب من اللى يطيق يعذب أخوه
عجبي!!!!!!

يا وردة قلبي معاكي في الريح لعب..
لا تعبتي م الريح و لا قلبي تعب.....
احنا كدة :نرتاح في صخب الجنون.....

و في السكون بنخاف قوي و نترعب.....
عجبي!!!!!!

عيد ..والعيال انتططوا ع القبور
لعبوا استغماية..ولعبوا بابور
وباللونيات..ونايلونات شفتشى
والحزن ح يروح فين جنب السرور
عجبي!!!!!!

عالجسر فت الصبح تحت الضباب..
بين الي لسه بينغرس و اللي طاب..
ما اهتز قلبي لنبت طالع جديد.....
قد الي ماشي...وتحت باطه كتاب.....
عجبي!!!!!!

وقفت بين شطين على قنطرة
الكذب فين والصدق فين يا ترى
محتارح اموتالحوت خرج لى وقال
هو الكلام يتقاس بالمسطره؟؟
عجبي!!!!1

تسلم يا غصن الخوخ يا عود الحطب..
بيجي الربيع ..تطلع زهورك عجب.....
وانا ليه بيمضي ربيع ويجي ربيع.....
ولسه برضك قلبي حته خشب.....
عجبي!!!!!!

ورا كل شباك آلف عين مفتوحين ..
وانا وانت ماشيين يا غرامي الحزين...
لو التصقنا نموتبضربة حجر.....
ولو افترقنا...نموت متحسرين.....
عجبي!!!!!!

ورد في ورق سلوفان يا حلوة اهديك؟
و الا انقله بالطين في الشتلة و اجيلك
الأولانى لو وحا بحنى

عجبي على الثاني بإيه يوحياك
عجبي!!!!!!

الفيلسوف قاعد يفكر سييومه
لا تعملوخ سلطان ولا تصلبوم
ما تعرفوش إن الفلاسفة يا هوه
الي يقولوه بيرجعوا يكـدبوم
عجبي!!!!!!

سنوات وفايته عليا فوج بعد فوج
واحدة خدتنى ابن والتانية زوج
والتالته أب خدتنى والرابعة إيه
إيه يعمل إالى بيحدفه موج لموج؟؟؟
عجبي؟؟؟؟؟؟!!

اوقات أفوق ويحل عني غبايا
واشعر كأني فهمت كل الخبايا
وافتح شفايفي علشان اقول الدرر
ما أقولش غير حبة غزل في الصبايا
عجبي!!!!!!

نظرت فى الملكوت كثير وانشغلت
وبكل كلمة (ليه؟) و(عشانيه) سألت
اسأل سوؤال...الرد يرجع سؤال
واخرج وحيرتى أشد مما دخلت
عجيبى!!!!

ياما صادفت صحاب وما صحبتهمش
وكاسات خمور وشراب وما شربتهمش
أندم على الفرص اللى انا سبتهم
والا على الفرص اللى ما سبتهمش
عجيبى!!!!

أحب اعيش ولو أعيش فى الغابات
أصحى كما ولدتنى أمى وابات
طائر.. حوان...حشرة..بشر بس اعيش
محلا الحياة...حتى فى هيئه نبات
عجيبى!!!!..

هات يا زمان و هات كمان يا زمان
غير بسمة الشجعان مامني بيان
هو اللي داق الفرحة يوم ثورته
يقدر يعود ولا ثانية للأحزان ؟
عجيبى!!!!!!

أنا قلبى كان شخشيخة أصبح جرس
جلجلت به صحوا الخدم والجرس
أنا المهرج ... قمتو ليه خفتو ليه
لاف إيدى سيف ولا تحت منى فرس
عجبنى!!!!!!

غدر الزمان يا قلبى مالوش أمان
وحاييجي يوم تحتاج لحة إمان
قلبي ارتجف وسألني.. أأمنُ بـايه؟
أأمنُ بـايه مختار بقالي زـمـان
عجبنى!!!!

رقبه قزاره وقلبي فيه أنحشر
شربت كاس واتنين وخامس عشر
صاحبت ناس م الخمرة ترجع وحوش
وصاحبت ناس م الخمرة نترجع بشر
عجبنى!!!!

حييت...لكن حب من غير حنان
وصاحبت لكن صحبه مالهـاش أمان
رحت لحكيم واكثر لقيت بلوتي
إن اللى جوه القلب مش ع اللسان
عجبي !!!

فارس وحيد جوه الدروع الحـديد
رفرف عليه عصفور وقال له نشيد
منين.. منين.. و لفين لفين يا جدع
قال من بعيد ولسه رايح بعـيد
عجبي!!!! !

نوح راح لحاله والطوفان استمر
مركبنا تايهة لسه مش لاقية بر
أه م الطوفان وأهين يابر الأمان
إزاي تبان والدنيا غرقانة شر
عجبي!!!!

على رجلى دم ...نظرت له ما احتملت
على إيدى دم ..سألت :ليه ؟لم وصلت
على كتفى دم وحتى على راسى دم
أنا كللى دم ..قتلت؟؟...والا اتقتلت؟؟
عجبي!!!!!!

تسلم يا غصن الخوخ يا عود الحطب
بييجي الربيع..تطلع زهورك عجب
و انا ليه بيمضي ربيع وييجي ربيع
ولسه برضك قلبي حته خشب
عجبي!!!!!!

الدنيا من غير الربيع ميته
ورقة شجر ضعفانه ومفتفته
-لأ ياجدع غلطان تأمل وشوف
زهر الشتا طالع فى عز الشتا
عجبي!!!!

ياللي في حماه الشمس تلقى الملاذ
و ألف بكره و بكره..في ضلوعه لاذ
مين أنت ؟ مارد ؟ رب ؟ قال لأ ده بس
انا اللي باروي القمح و اسقي الفولاذ
عجبي!!!!!!

ينبوع وفى الحواديت أنا سمعت عن
إنه عجيب...وف وسط لهاليب لكنه
شقيت كما الفرسان طريقى...لقيت

حتى الخنازير والكلاب شربوا منه
عجبي!!!!!!

على بعد مليون ميل من أرضنا
من الفراغ الكوني بصيت أنا
لا شفت فرق ما بين جبال أو بحور
ولا شفت فرق ما بين عذاب أو هنا
عجبي!!!!!!

وسط الحطام اتفرجوا يا أنـام
تمثال ملك..ومبوله م الرخـام
لتنين نحتهم نفس أسطى الحجر
و كانوا ذات يوم كتلتين لسه خام
عجبي!!!!!!

سرداب فى مستشفى الولاده طويل
صرخات عذاب ورا كل باب وعويل
وفى الطريق متزوقين البنات...
متزوقين للحب والماواويل
عجبي!!!!!!

غسل المسيح قدمك يا حافي القدم
طوبى لمن كانوا عشانك خـدم
صنعت أنا لك نعليك يا أخــي
مستني إليه ... ما تقوم تدوس العدم
عجبي _____ !! !!!

كيف شفت قلبى والنبي يا طبيب
 همد ومات والا سامع له ديب
 قاللى لقيته مختنق بالدموع
 وما لوش دوا غير لمسه من إيد جيب
 عجبى!!!!!!

عجبي عليك..عجبي عليك يا زمن
يا بو البدع.. يا مبكي عيني دماً
إزاي أنا.. أختار لروحي طريق
و أنا اللي داخل في الحياة مرغماً
عجبي عليiiii

*الدنيا من غير الربيع ميته
ورقه شجر ضعفانه ومفتفته
*لأ ياجدع غلطان تأمل وشوف
زهر الشتا طالع فى عز الشتا
عحبى!!!!!!

ضريح رخام فيه السعيد اندفن
و حفره فيها الشرير من غير كفن
مررت عليهم .. قلت يا للعجب
لاتنين ريحتهم لها نفس العفن
عجبي!!!!

أه لو أنا ومحبي جزنا الفضا
فى سفينه وحدنا...وأشيا رضا
ساعه صفا تعجبنا نرجع لها
والهم قبل ما ييجىيبقى مضى
عجبي!!!

قلبي عليل يا ناس وفى الكاس دواه
مديت له إيدى شرب م اللى حواه
جنبى الشمال خف ...اليمين أتوجع
وايه يداوى الكبد م اللى كواه
عجبي

منتدى حديث المطابع
موقع الساخر
www.alsakher.com